

КНИГАГУДЫШТО ВАШЛИЙМАШ

Кодшо кечылаште Унчо книгагудышто «Ончыко» журналын пашаенже-влак дене «Сылнымут садвечыште» вашлиймаш эртыш.

Вашлиймашке «Ончыко» журналын тун редакторжо, поэт Игорь Попов, «Ончыко» журналын редакторжо, поэт Эрнест Петров да Марий Элын сулло журналистше, Марий Элын калык поэтше Геннадий Сабанцев толыныт ыле. Нуно шке илыш корнышт да сылнымут саскашт дене палдарышт.

Туналтышыште мутым Игорь Геннадиевичлан пуышна. Тудо «Ончыко» журнал нерген кучыкын каласкалыш, ыштышаш паша нергенат ойлен кодыш. Тыгак кучыкын поэзий саскажым радамлыш. Сылнын лудмо почеламутшо-влакым чыланат шып гына колыштын шинчышт.

Умбакыже мут йогын Геннадий Леонидович деке кусныш. Тудын «Акнаш» поэмыже вашлиймашке толшо кажне енын чонышкыжак шынген пурыш, шонем. Вет тиде поэмыште Украин мландыште шке вий-



жым чаманыде кредалше Акнашын илыш корныжо нерген ойлалтеш.

Эрнест Алексеевичат шке возымо пашаже-влак дене палдарыш.

Тиде вашлиймашым сорастараш Морко книгагудын краеведений полка вуйлатышыже Людмила Александрова толын ыле. Тудо сылне мурыж дене толшо-влакым куандарыш да Елена Семенован поче-

ламут корнылажым сылнын лудын пуыш.

Таче кечылан Унчо кундеммысе 60 суртышто «Ончыко» журналым лудыт. Журналын пашаенже-влак дене вашлиймаш умбакыжымат эртаралташ тунгалеш манын ушанен кодына.

Лидия ЯМНЕЕВА,
Унчо книгагудо вуйлатыше